



UNIVERSITÄTS-
BIBLIOTHEK
PADERBORN

Universitätsbibliothek Paderborn

Corona Avrea S^vpere Mithram Romani Pontificis

Raynaud, Théophile

Romae, 1647

Prænotatio III. Sedis Apostolicæ & Cathedræ Petri, tituli omnes, dicti
Metonymicè de Pontifice.

urn:nbn:de:hbz:466:1-10481

Et Petrus in carcere , Clemens in exilio , Marcellus in Catabulo , non minùs quām Laterani , Ecclesiæ præfuerunt , & oves Christi , eis , vt veris Pastoribus obedierunt .] Comprobatum id perspicuè est , totis 70. annis quibus Romani Pontifices Roma extorres , Auenionem incoluerunt ; Nec tamen vel erant , vel dicebantur Episcopi Auenionenses , sed Romani .

PRÆNOTATIO III.

*Sedis Apostolicæ , et Cathedræ Petri , tituli omnes ,
dicti metonymicè de Pontifice .*

SOPIOSA Seges titulorum Romani Pontificis , suppeditatur ex benè multis elogis , quibus Concilia , & Patres , ac probati DD. decorant sedem Apostolicam , vel cathedram B.Petri . Omnia quippè illa elogia , directè , & immediatè cadunt in Pontificem , etiamsi metonymicè continens pro contento , & sedes , ac cathedra pro sedente usurpentur . Euoluamus ista distinctius .

Nomine , *Sedis Apostolicæ* intelligitur vniuersalis authoritas , siue potestas Apostoli Petri , transmissa ad successores eius in Romana sede . Hæc enim fuit sedes B.Petri , & quidem postrema : idest quam vt generalis pastor tenuit ad mortem usque Romæ pro Christo obitam . Quod adeò exploratum est apud antiquos , vt effrontes planè esse oportuerit , aut pueros , & quidem pueros stultos , (vt ait Canus mox adducendus) paucos Sectarios , qui id inficiari tentarunt ; ne mpe Velenum quem Rofensis iusto de ea re opere confudit , & Sebastianum Francum , ac obscuros quosdam Anglos apud Sanderum l.3. de clave Dauid c.2.

C 2 qui

qui in hoc argumento diligenter, ac splendide operam posuit. lib. 6. de visibil. monarch. cap. 10. Item que Onuphrius lib. 1. de Primatu Petri tota parte 3. Canus 6. de locis c. vlt. ad 10. Georgius Scherer lib. de fæmina Papissa, *Argumento tertio*. Iacobus Pamelius ad Tertullianum de præscript. cap. 36. Bellarmin. lib. 2. de Rom. Pontif. per prima undecim capita, Baronius anno Christi 44. & 45. Azor. tom. 2. lib. 4. cap. 21. q. 3. Lælius Jordanus lib. de maioribus causis ad Papam referendis cap. 21. propè toto, Coccius tom. 1. lib. 7. ar. 5. & breuiter, sed benè, & accommodatè ad dispellendas omnes officias ex historia ab aduersarijs offusas, Serarius disp. de Apostolis Assert. 73. Fuit autem iam olim adeò perspicuum, S. Petrum Romæ sedisse, vt S. Optatus, qui S. Augustino æqualis fuit, aut etiam paulò anterior, fidenter dicat Parmeniano Donatistæ lib. 2. [negare non potes, scire te, in Urbe Roma Petro primò Cathedram Episcopalem esse collatam, in qua sederit omnium Apostolorum Caput.] *Prim*o dicit per comparationem ad tunc sedentem Romanum Pontificem, ad quem usque, deuenit ibi S. Optatus, recensens ordine Pontifices. Quare Sectarij, nisi planè agnoscí velint emotæ mentis, negare non possunt, quin S. Petrus Romæ sederit, & ibi sederit usque ad mortem, quam Romæ sub Nerone obiit, vt innumerí veterum signati ab Authoribus allegatis, Romanum Sancti Petri Pontificatum astruentibus, tradunt.

Quod verò Romæ obiens S. Petrus, reliquerit ibi successorem; non tantum Romanæ sedis particularis, siue authoritatis ad regendam eam particularem Ecclesiam, quæ Romana Ciuitate contineretur, sed etiam authoritatis, quæ pollebat, vt Pastor vniuersalis ad regendam Catholicam Ecclesiam; traditione melius, & expeditius euincitur, quam aliter, vt Canus 6. de locis cap. vlt. ad 10. rectè significat. Nimirūm S. Petrus, ad mortem usque fuit Episcopus Alexandrinus, vt habet verisimillima sententia, de qua mox: neque tamen ei, prout Pastor vniuersali successit

fit

sit Alexandrinus Episcopus, sed solus Romanus: quia ita docet certa traditio, de qua in Epilegomenis subnotatione, 2. veritate 2. Idem iudicium esto de vrbe Antiochena, in qua S.Petrus aliquandiū sedit, priusquam ex diuina designatione, sedem Romæ figeret stabilem, ac perpetuam, nec vñquam inde auellendam. Sicut enim S.Petrus, non ex suo mero arbitrio, sed ex Christi Imperio, sedem Pontificiam Romæ constituit, ita inde eam auellere postea non potuit; vt neque id possunt eius successores; quidquid vñsum sit Soto in 4. dist. 24. q. 2. art. 5. & Mendozæ q. 4. Scholast. quos meritò reiiciunt Azor. tom. 2. lib. 4. cap. 21. Bellarm. lib. 4. de Pontif. cap. 4. Valent. 2. 2. disp. 1. q. 1. punct. 7. §. 38. & in Analyssi lib. 7. cap. 12. & subscriptent, quotquot S. Petrum ex speciali Christi Imperio, Romæ sedem Pontificiam vniuersalem collocasse profitentur. Agnoscent imperium illud, Caiet. tom. 1. Opusc. tract. 3. cap. 3. Malderus disp. 3. de Pontif. dub. 3. Suares tract. 1. de fide disp. 10. sect. 3. num. 10. Duuallius Tract. de Pontif. par. 1. q. 7. & congruentia esse potuit, vt ex eo veluti orbis centro, Religio facilis quaqua versum per omnes plagas terræ tunc inhabitatae diffunderetur, concurrentibus frequenter tunc temporis Romam gentibus omnibus: quæ est ratiocinatio S. Leonis Serm. 1. de Natali SS. Petri & Pauli: Prospéri 2. de vocat. gent. cap. 16. Prudentij hymno 2. Peristephanon à versu 15. & Eucherij ad Valerianum num. 25. Successorem ergo potestatis suæ vniuersalis in totam Ecclesiam, non habuit S.Petrus, nisi Romæ; vbi ex Christi Imperio sedem fixit, cum iure transfusionis eiusdem vniuersalis potestatis ad successores; tametsi alibi quoque sederit, vel in transitu, vel etiam ad mortem usque, sed tantum, vt particularis Episcopus. Hæc quò pertineant enucleandum est, & paulò distinctius euoluendum.

In transitu, sedit S.Petrus Antiochiæ per septennium, vt notat S.Gregor. lib. 6. Epist. 37. S.Nicephorus Constantinopolitanus in sua Chronologia ait, sedisse ibi per annos

vnde-

vndecim. Vt vtsit de numero annorum , sedit ibi annos aliquot , nimirūm donec tempus appeteret figendi Romæ sedem, quod postea fecit . Valdè enim aberrauit Onuphrius, cum dixit, S.Pet: um primò Romæ, deindè Antiochiæ locasse sedem. Quod meritò expludit Baronius ad annum Christi 39.& in Romanum Martyrologium ad 22.Februari. Nec suffragatur Onuphrio S. Optatus, cum verbis supra adductis , contestatus adeò fidenter est, S. Petrum , primò Cathedram Episcopalem in vrbe Roma collocasse . Nam illud , primo , vt supra monui, fert duntaxat compensationem S. Petri cum reliquis Romanis Pontificibus ad tempora vsque S.Optati sedentibus , qui ibi enumerantur prælonga serie , in qua erat primus B. Petrus . Comparando autem sessionem B.Petri Antiochenam, cum Romana, primò sedit Antiochiæ , quod pulchrè his verbis expressit Iuo sermone de Cathedra S.Petri . [Prouida Dei dispensatione Ecclesiarum excubij deputatus est Petrus generali Sanctione , hodie quoque Antiochiæ assunitur peculiari familiaritate . Quem ouibus suis Deus Pastorem præfecerat, generalem, plebs Antiochena hodie sibi collocat Pontificem specialem . Nec tamen Dei nutibus populus Antiochenus obuiare contendit, sed opportuna importunitate Dei Vicarium honorare satagit . A Pontificum Pontifice iamdudùm Petrus ordinatus erat. Oleum exultationis, Christi manu infundente, per Spiritus sancti debriationem susceperebat ; negotijs sui ministerium sibi iniunctum iamdiu exercuerat , nondùm tamen aliquo in loco propriè deputatus fuerat . Hodie ergo de totius Orbis amplitudine adsciscitur , quibus propriè præsit , & prospicit : hodie populis prærogatur ; Nec tamen curæ suæ amplitudo propterea decurtatur , sed Apostolatus sui sollicitudo dupliciter dilatatur . Adsunt enim præsentium ouium balatus , qui eu n quotidianis profectibus solicitent, nec sibi desunt fraternæ dilectionis præcordia,in fines etiam orbis terrarum pertin- gentia , quæ cum defatigent . Sed futurum est (inquam)

Ciui-

Ciuitas Antiochena, vt adhuc Petrus de sede ad sedem demutetur; vt necessitate, & vtilitate populorum exigente, alio transportetur. Nec poteris habere proprium, quem S. Ecclesia in commune suscepit ministerium. Fratrum ergo dispersioni, charitatiè communica, & quem charis amplexibus tibi obligasti, aliquantulum relaxa. Dilige proximum tuum sicut teipsum, & æquanimiter Petrum tolerabis ad alium destinari præfulatum.] Quod ait Iuo, alloquens Antiochiam, *nec poteris habere proprium Pontificem S. Petrum*, accipiendum est, vt non sit futurus proprius cum exclusione generalis Pontificatus in vniuersam Ecclesiam; vel cum exclusione transitus ad aliam sedem ex Dei destinatione postea ineundam. Cæteroqui enim, fuit re vera aliquandiù S. Petrus, proprius Antiochenorum Episcopus, sicut postea etiam fuit proprius Episcopus Romanorum, simulque generalis Pastor totius Christianæ Ecclesiæ. Quando porrò Antiochiæ federit, excutit Sanctius tract. i. de S. Iacobo cap. 21.

Ad mortem usque, sed vt particularis Episcopus tantum, sed it S. Petrus Alexandriæ, ubi eum aliquandiù etiam personaliter, seu corporaliter degente, egisse Episcopum, scribit Nicephorus lib. 14. hist. cap. 3. & monuit Valdensis lib. 2. Doctrin. cap. 50. num. 6. & quanquam id firmiore testimonio non comprobatur, tamen eodem iure dici potest, S. Petrum fuisse Episcopum Alexandrinum per S. Marcum (à quo Petri nomine sedes Alexandrina erecta est, teste Anacleto Epist. 3.) quo S. Gregorius, à Beda, & alijs dictus est Anglorum Apostolus, per SS. Augustinum, ac Mellitum, quos ad illius gentis conuersionem Roma legauit. Idque voluerunt Gelasius cap. S. Romana, & alij, qui dixerunt S. Marcum B. Petro superstite, fundasse eius nomine Ecclesiam Alexandriæ: quod is qui vernaculè expressit Romanum Martyrologium 25. Aprilis, haud est assecutus, cum id accepit de materiali structura templi, sub titulo S. Petri, etiamnum superstitis, ac in eius honorem: quod abest

abest à vero sensu tabularum Ecclesiasticarum , & eorum , qui Ecclesiam à S. Marco Alexandriæ institutam , nomine S. Petri dixerunt . Tametsi non inferior , templa aliquando sanctis constructa priusquam è vita excederent . Nam de templo S. Ioannis Euangelistæ , constructo antequam abiret è viuis , testis est Abdias . SS. item Petrum , Iacobum , & Ioannem , Deiparæ etiam nūm in terris degenti templa construxisse , narrationes contextit Ferreolus Locrius lib. 4. Mariæ Augustæ cap. 2. 3. & 4. Sed Ecclesiæ (non templi , sed Ecclesiæ ,) à B. Marco , Alexandriæ , nomine B. Petri constitutæ , alia est notio . Nimirūm S. Petrus potestatem Marco Alexandriam alegato fecit , vt ibi Episcopatum constitueret , cuius ipse B. Petrus esset immediatus Episcopus particularis , absque annexione tamen generalis in vniuersam Ecclesiam potestatis ad eam sedem : siue absque eo , quod is qui S. Petro moriente futurus erat Præsul Alexandrinus , accepturus esset vniuersalem , & ordinariam potestatem , qua S. Petrus potiebatur in vniuersam Ecclesiam , sed tantum particularem potestatem regendi immediate eam Ecclesiam ; sicut aliorum Apostolorum successoribus contigit , quoad sedes , quas ipsi Apostoli dum viuerent , immediatè rexerunt ; successerunt quippe illis in regimine immediato talium Ecclesiarum , non autem in personali potestate vniuersali extraordinaria , qua dum viuerent potiti erant per orbem vniuersum SS. Apostoli .

Videtur perspicuè quod diximus , docuisse Petrus Damiani serm. 14. qui est primus de S. Marco versic. in capite . Idem videtur tradidisse Hincmarus Opusc. ad Hincmarum Iuniorem cap. 16. Vbi æquè Alexandrinam sedem , habet pro sede S. Petri , ac Antiochenam , & Romanam , quarum constat S. Petrum fuisse particularem Episcopum . Adducitque in eam rem Hincmarus S. Gregorium , qui scribens ad Eulogium Alexandrinum , ait : [Petri sequax , loqui potuisti quæ de S. Petri Apostoli per os Doctoris sonare

nare debuerunt] Rursusque [Adhuc in sede Petri clamat voce Marci.] En sedes Alexandrina diserte dicitur sedes Petri . Quid si etiam eodem spectat, quod in Menaeis 11. Martij. S. Ioannes Eleemosinarius dicitur, administrasse Thronum Apostolicum , quia erat Episcopus Alexandrinus ?

Non debet autem nouum , vel mirum videri , quod ha-
ctenus astipulantibus tam multis, diximus, S. Petrum quan-
tumuis absentem , & iam Romanum Pontificem , & Ro-
mæ particularem, simul ac vniuersalem Episcopum, egisse
simul Episcopum Alexandrinum, ut suam erga Alexandri-
nos benevolentiam testaretur , eoque nomine urbis popu-
losissimæ, & florentissimæ Christianos demereretur . Multi
enim postea Romani Pontifices , præ amore erga aliquas
Ecclesiæ particulares , quibus aliquando præfuerant , vo-
luerunt esse particulares , & immediati earum Episcopi, si-
mulque Romani . Sic S. Leo 9. ex Episcopo Tullensi crea-
tus Romanus Pontifex , retinuit sibi dum viueret Tullen-
sem Episcopatum, quem per Vicarios administrauit . Idem
fecit de Episcopatu Eystetensi Gregorius V. & de Lucensi
Alexander. 2. Nec desuit , qui Abbatis titulum retineret .
Nimirum Stephanus X. qui ex Abbe Cassinensi electus
Romanus Pontifex, non est passus subrogari sibi Abbatem
successorem quandiu vixit , sed tantum Vicarium, & Ad-
ministratorem . Ad eum ergo modum S. Petrus, absens li-
cet, iamque Romanus particularis, & simili totius vniuer-
salis Ecclesiæ Episcopus , dici , & esse voluit Alexandrinus
Episcopus , quandiu vixit, nec nisi Vicarium in ea sibi suf-
fecit S. Marcum. Gregorius quidem Nazianzenus orat. 21.
vocat sedem Alexandrinam Thronum Marci, ad quem ait,
S. Athanasium euætum esse Apostolicè , quod non potest
accipi de Episcopatu S. Marci post obitum S. Petri , cum
S. Petrus Apostolus superstes fuerit S. Marco . Hunc enim
tabula Ecclesiasticae 25. Aprilis, notant defunctum Octauio
Neronis anno , cum S. Petrus obierit anno eiusdem Nero-
nis 13. similiter Alypius Epist. ad S. Cyrillum tom. 4. conc.

D Ephes.

Ephes. c.26. vocat sedem Alexandrinam Thronum S. Marci, quem à S. Athanasio in sublime euectum dicit. Et Procopius Diaconus, in S. Marci Encomio, ait, S. Marcum, primùm sedisse in Throno Ægyptiorum. Erit ergo cui sedes Alexandrina videatur dicta Thronus S. Marci, quia in ea sedit Episcopus: atque ita non eam duntaxat rexit pro Episcopo ipsius S. Petro. Nihilominus negandum est, Thronum Alexandriæ Pontificium, dictum esse S. Marci Thronum, tanquam sedentis in eo Episcopi; cum potuerit dici Thronus S. Marci, quia per eum (nomine licet S. Petri,) constitutus est, & ab eo semper quandiu vixit administratus, perinde, ac si fuisset Episcopus, ut moris est facere Vicarios generales; (præsertim Apostolicos, ac omnimoda instructos auctoritate, & potestate,) quandiu procul abest Episcopus. Talem Vicarium egit Alexandriæ Marcus sub S. Petro, (quandiu vixit,) Vrbis illius Episcopo.

Et hinc eruenda est germana ratio, cur Ecclesia Antiochenæ, in qua S. Petrus aliquando personaliter sededit, post habita sit Alexandrinæ, in qua fortassis S. Petrus nunquam personaliter fuit. Nimirum prælata est Alexandrina, quia sedem Alexandrinam Sanctus Petrus semper retinuit sibi; & quandiu vixit, fuit eius particularis Episcopus. Antiochenam verò, post septennium dimisit, suffecto sibi in ea Fuödio. Hæc item est germana causa, cur olim non nisi hæ duæ sedes, præter Romanam habitæ sint Patriarchales; non autem vllæ aliae, siue à S. Petro plantatae, siue quibus alijs Apostoli præfuerint; cuius rei causam Philippus Bertierius Diatriba. 2. Pithanon cap. 1. repetit ex amplitudine trium illarum Vrbium, quæ donatae sunt sede Patriarchali: nimirum Vrbis Romanæ, Alexandrinæ, & Antiochenæ. Nam de Romana, res est extra dubium, iuxta illud. Prima Vrbs inter Diuum domus aurea Roma. *Templum mundi totius*, vocat Ammianus lib. 17. Absolutè Vrbs magna, dicitur Porphyrio lib. 2. de abstin. ac Tatiano Orat. contra Græcos, & Eusebio in Orat. de Laud. Constantini, cum dicunt

cunt in Vrbe magna immolatum esse hominem Ioui Latari. Quod aliqui de Roma dictum non intelligentes, *Magnam Vrbem appellatiuè dictam*, transformarunt in Ciuitatem, cui proprium nomen esset Megalopolis, ut notaui lib. 4. de Virtut. num. 284. Totum Orbem in ea Vrbe interisse, cum excisa est, tanta erat eius amplitudo, dixit Hieronymus inscribens Eustochio Commentarios suos in Ezechielem. *Epitomen Orbis Vniuersi*, vocat Palæmon Philosophus apud Athenæum lib. 1. dipnosoph. cap. 15. *Contineri Romæ nomine, vniuersa*, dixit Cassiod. lib. 6. formul. 4. *Patriam communem* appellat Symmachus lib. 5. Epist. 94. & Plin. lib. 3. cap. 5. ac Sidonius lib. 8. Epist. 6. Limpatur in eius laudes Rutilius lib. 1. Itiner. Iam Alexandrinæ Vrbis magnitudinem, Eunapius in Ædesio his paucis perstrinxit. [Erat autem populosa Ciuitas Alexandria, & propter Serapidis Fanum, alter quidam Orbis Terrarum, sed Sacer: ad quam vnde cunque Terrarum innumeri confluabant gregatim.] De eadem Vrbe Dio Prusæus Orat. 33. quæ est ad ipsos Alexandinos [Ciuitas vestra, magnitudine, & loco, immensum quantum differt, & aperte secundas obtinet partes, inter omnes, quæ sunt sub sole.] Cum Romanis autem agens Aristides in Orat. de Vrbis Aug. Laudibus, omnium post Romanam Vrbem, maximam pronunciat Constantinopolitanæ suo tempore, hoc est iam pridè potenti summa rerum omnium, eam parem, vel supparem statuit Gregorius Nazianzenus Orat. 23. *Verticem Ciuitatum* appellat, & effusè celebrat Ammianus lib. 22. *ad finem*: Ut & Plinius lib. 5. cap. 10. & lib. 36. cap. 12. Tandem Antiochiam Syriae Iosephus l. 3. de bello Iudaico cap. 3. ita celebrat. [Antiochia Syriae metropolis est, quæ propter magnitudinem, & rerum copiam, tertium locum inter omnes Orbis Romani Ciuitates obtinet.] Antiochiam, & Alexandram haud longè infra Romanam statuebat Geta, idcirco cogitans ad alterutram transferre sedem Imperij, ut scribit lib. 4. Herodianus.

D 2 Ex

Ex his ergo colligitur ab Authore adducto, tres Vrbes prædictas, donatas esse à S. Petro prærogatiua Patriarchatus, attenta vrbium illarum supra omnes orbis Vrbes præcellentia. Quæ tamen ratio minùs videtur satisfacere. Nam sic debuisset S. Petrus Carthaginem Vrbem Patriarchatus honore decorare. Erat enim vrbs amplissima, quæ Romam vix passa priorem, ut Ausonius cecinit agens de claris Ciuitatibus, eamque, & Alexandriæ, & Antiochiæ præponens. Herodianus verò lib. 7. fatetur eam de secundis partibus cum Alexandria certasse. Quidni ergo habuisset ipsa quoque Patriarcham, si tantum habita fuisset ratio excellentiæ Vrbis in conferendo tali titulo? Nec deerant in reliquo orbe aliæ vrbes amplissimæ, quæ eundem honorem sibi vindicaturæ fuissent, si solius amplitudinis intuitu tres illas Patriarchales fuisse habitas statueremus. Perperram item S. Gregorius mox referendus, dixisset Patriarchatum Constantinopolitanum quantumuis à Concilio plenario, approbantibus denique Ecclesiæ Rectoribus delatum, esse Patriarchatum titulo tenus, & absque sede. Nam si sola Vrbis maiestas, & præcellentia, idoneum sit fundamentum Patriarchatus, non fuisset dubitandum, quin sedes Constantinopolitana esset verè, & plusquam titulo tenus Patriarchalis in tanta Vrbis illius amplitudine quantum exhibet Eunapius in Ædesio. Eandem cœlo, eius templa Syderibus confert Constantinus Manasses in Annal. nu. 85. sed splendidissimè eandem Vrbem celebrat nu. 95.

Vera itaque ratio, cur tres illæ Vrbes, solæ habitæ sint Patriarchales, ducenda est ex eo, quod S. Perrus illarum fuisset particularis Episcopus. Nam quod S. Petrus agnosceretur oculis Christi summus Pastor, quicquid ad eum quoquo modo attinuit, præcipua semper in veneratione est habitum. Quare Ecclesiæ, quarum aliquando fuisset particularis Episcopus, donatae sunt prærogatiua honoris Patriarchalis, non item aliæ, quas vel plantasset ipsem, non rexisset tamen, ut particularis Episcopus, vel quas alij

Apo.

Apostoli immediatè rexissent. In Tractatu contra Græcos edito à Steuartio, quem frons operis præfert conscriptum esse Constantinopoli, anno 1252. in ædibus FF. Prædicatorum, & per ipsos Fratres Prædicatores, ut ibidem habetur in fine distinctionis ante Mantissam; In eo inquam Tractatu, ad tres prædictas sedes propriè Patriarchales, à S. Petri Episcopatu denominatas, additur quarta, nempe sedes Cæsareæ Palestinae, cui Episcopatus Hierosolymitanus, quantumuis eum S. Iacobus tenuisset, fuit subiectus, ut testatur S. Hieronymus Epist. ad Pamimachium contra errores Ioannis Hierosolymitani, & Nicolaus I. ad Consulta Bulgar. cap. 92. cuius subiectionis idonea ratio, subministrari videretur ex ea S. Petri sessione Cæsareæ, si veritate niteretur. Reuera tamen ea quarta B. Petri sedes, omnibus retrò antiquis incompta fuit, ut & quarta illa sedes Patriarchalis. Disertè enim Anacletus Papa Epist. 3. tres tantum Patriarchales sedes agnoscit, à B. Petri in eis particulari Episcopatu: Romanam nimilim, Alexandrinam, & Antiochenam, quibus deinde ob reuerentiam Domini, per Concilium Nicænum Canone 7. alias adiuncta est Patriarchalis sedes Ælia, ut loquitur Nicolaus I. ad Consulta Bulgar. cap. 92. idest Hierosolymana, cuius proinde Vicarius in subscriptionibus Octauæ Synodi, ait se completere locum Apostolici Throni. Non fuit tamen hic Patriarchatus, quales cæteri: sed titulotenus, & absque Iurisdictione, imò superstite subiectione ad Cæsariensem Metropolim. Deinde verò annumerata etiam est sedibus Patriarchalibus, Constantinopolitana, non ex eodem fundamento, ex quo tres primæ, in quibus S. Petrus egerat particularem Episcopum; nec ob reuerentiam Domini, ut Hierosolymana; sed fauore Principum, (ut Nicolaus supra ait:) qui secundum denique locum, ei Ecclesiæ, inducta in ordine posteriorum sedium Patriarchalium magna varietate, (ut monstrat Couarr. 4. var. cap. 14.) in totius Orientis exitium extorsere. Vnde liquet, Patriarchatum illum,

illum, post alios iure locatum, fuisse planè dignitatem
absque sede: sic enim de eo loquutum S. Gregorium refert
Anonymus Dominicanus Tractatu contra Græcos; quia
scilicet S. Petrus, nunquam fuerat Vrbis illius Episcopus
particularis; quæ est Characteristica sedis verè Patriarcha-
lis, sedem cum dignitate & externo titulo habentis. Et
idem æquè occini potuisset Hierosolymitano Antistiti.
Nec est verum, quod ait Bulengerus lib. I. de Imperatore
cap. 3. meritò sedem Constantinopolitanam secundo loco
inter Patriarchales esse repositam, cum Constantinopolis
sit secunda Roma. Aliud quippè ferunt iura seculi, aliud
iura poli. Et metrum dirigendi sedes, non desumitur ex
seculari dignitate ciuitatum. Atque ita (vt assumebam,)
concluditur, ordinem sedium Patriarchalium esse disposi-
tum iuxta priuilegium Petri, vt loquitur Petrus Damiani
Opusc. 35. cap. 4. Nec satis animaduersum est à benè mul-
tis, quos de Patriarchalibus sedibus disputantes, allegat
Cenedo ad caput *renouantes*, dist. 22. Collectaneo 58 nu. 1.
Postea tamen laxato semel rigore vocis, abusio inducta est,
qua quilibet Primates, dicti sunt Patriarchæ. Qua ratione
S. Nicetius Lugdunensis, à Gregorio Turonensi lib. 5. hi-
stor. Francor. cap. 8. dictus est Patriarcha. Quo item titulo
honestatur Priscus eiusdem Ecclesiæ Episcopus in secundo
Matisconensi Concilio, & Petrus Lugdunensis à Petro ve-
nerabili lib. 2. Epift. 2. nimirūm ob primatum in quatuor
Metropoles, Lugdunensem, Rothomagensem, Senonen-
sem, ac Turonensem: quod antiquum eius sedis Ius, fir-
massé S. Gebuino, legitur Gregorius VII. anno 1079. Ex
Arrianorum verò vsu, quosuis primarios Episcopos, dictos
esse Patriarchas, obseruat Baronius anno 570. tametsi,
quod quibusvis Metropolitanis delatum illud nomen af-
firmat, non video unde confirmetur. Sed ad rem.

Anonymus Dominicanus Tractatu illo contra Græ-
cos, existimat idem esse sedem Apostolicam, quod esse
ex primo, & antiquo vsu Patriarchalem, siue particulari
in

in ea S. Petri sessione nobilem. Qua ratione iuxta supradicta, triplex esset sedes Apostolica, nimis Romana, Alexandria, Antiochena. Fauere videtur, quod S. Leo IX. Epist. ad Petrum Antiochenum, & Ioannes Moschus in Prato spirituali cap. 36. describens Ephræmi certamen, vocat sedem Antiochenam, sedem Apostolicam. Item lib. 5. Trip. cap. 37. S. Cyrillus Hierosolymitanus denominatur *sedit Apostolicæ Pontifex*. Nihilominus notio receptissima fert, ut propriè loquendo, non nisi vna sit sedes Apostolica. Dico propriè loquendo, quia hic quoque habuit locum vocis laxatio, præfertim quoad Ecclesiæ, quas vel S. Petrus aliquando rexit, ut particularis Episcopus, vel alij Apostoli immediatè tenuerunt. Tales Tertullianus plurimas recenset lib. de præscript. cap. 36. [Age (inquit) iam qui voles curiositatem melius exercere in negotio salutis tuæ, percurre Ecclesiæ Apostolicæ, apud quas ipsæ adhuc Cathedrae Apostolorum suis locis præsidentur, apud quas ipsæ authenticæ litteræ eorum recitantur, sonantes vocem, & repræsentantes faciem vniuersiisque. Proximè tibi est Achaia, habes Corinthum. Si non longè es à Macedonia, habes Philippos, habes Thessalonicenses. Si potes in Asiam tendere, habes Ephesum. Si autem Italiam adiaces, habes Romanam, vnde nobis quoque authoritas præsto est. Statu felix Ecclesia, cui totam doctrinam Apostoli cum sanguine suo fuderunt, vbi Petrus passioni Dominicæ adæquatur, vbi Paulus Ioannis exitu coronatur, vbi Apostolus Ioannes postea quam in oleum igneum demissus, nihil passus est, in insulam relegatur.]

Pro Apostolicis Ecclesijs habet Tertullianus omnes illas, quas vel Apostoli, ut Pastores particulares tenuerunt, vel erudiuerunt; quo item modo S. August. lib. 2. de doctr. Christ. cap. 8. Apostolicas, ait, esse omnes illas Ecclesiæ, quæ sedes Apostolicas habere, vel Apostolicas Epistolas recipere meruerunt. Eumque D. Augustini locum, referens Carolus Magnus lib. 1. de Imag. cap. 6. ut est apud Eugenius.

binum lib. 2. contra Vallam. pag. 272. ait, sedem Romanam cæteris Apostolicis sedibus præminere. Et eodem sensu Turpinus (imò Tilpinus si tamen ipse Auctor) lib. 1. de temporibus Caroli Magni cap. 17. ait, statutum ab eo esse, ut sedes Compostellana, vocaretur sedes Apostolica, & ut Virgæ Episcopales ac coronæ regales per manum eiusdem urbis Episcopi, in S. Iacobi honorem tribuerentur? Itaque en multis Ecclesiæ Apostolicas. Imò ex hoc ipso capite haustæ ab Apostolis doctrinæ, omnes Ecclesiæ esse Apostolicas, his verbis tradit Tertullianus lib. de Præscript. cap. 20. [Apostoli per Iudæam contestata fide in Iesum Christum, & Ecclesijs institutis, dehinc in orbem profecti, eandem doctrinam eiusdem fidei nationibus promulgauerunt. Et proinde Ecclesiæ apud vnamquamque Ciuitatem condiderunt, à quibus traducem fidei, & semina doctrinæ, cæteræ exinde Ecclesiæ mutuantæ sunt, & quotidiæ mutuantur, ut fiant Ecclesiæ. Ac per hoc, & ipsæ Apostolicæ deputantur, ut soboles Apostolicarum Ecclesiæ. Omne genus, ad originem suam censeatur necesse est. Itaque tot, & tantæ Ecclesiæ, vna est illa ab Apostolis prima, ex qua omnes. Sic omnes primæ, & omnes Apostolicæ, dum vnam omnes probant unitatem.] Hoc sensu omnes sedes Episcopales, dici possunt sedes Apostolicæ. Qua loquendi formula, S. Paulinus Epist. 45. Alyppium factum Episcopum, ait, *locatum in sede Apostolica*. Sidonium similiter de Sancto Lupo locutum referam V. Apostolicus. Item S. Basilius Epist. 55. quæ est ad S. Ambrosium, ait, illum è medio Iudicum terræ, translatum esse ad præsidentiam Apostolicam; id est ad Episcopatum Mediolanensem. Amphilochius quoque sub initium vitæ S. Basilij ait, Gregorium Theologum, *tenuisse per annos duodecim gubernacula Throni Apostolici*, id est sedis Constantinopolitanæ. Et sanè Episcopi in aliquo sensu repræsentant Apostolos. Vnde præter rationem ex Tertulliano propositam, (deriuatæ scilicet ab Apostolis in quamcunque Ecclesiam Doctrinæ fidei)

De titulis Pontif. ex Sede Apost. & Cath. Petri. 33
dei,) haud prorsus incongruè, sedes quælibet Episcopalis
videtur dici posse, *sedes Apostolica*.

Retento tamen proprio, & in Ecclesia semper receptis-
fimo ysu vocabuli, ea tantum sedes dicitur Apostolica in
qua Apostolicus Principatus viguit, cuiusmodi est sola Ro-
mana. Nam cum potestas Apostolica in solo S. Petro fue-
rit ordinaria, & cum Iure transmissionis ad successores; (in
alijs enim Apostolis, potestas Apostolica, & vniuersalis,
etiamsi non fuit delegata, quia non manauerat ab ordina-
rio Pastore S. Petro, sed à Christo, fuit tamen tantum per-
sonalis, & absque Iure transfusionis ad posteros,) Sanctus
autem Petrus, tametsi alias sedes tenuerit, vt particularis
Episcopus, in sola tamen Romana habuerit successorem
plenariæ, & vniuersalis in totam Ecclesiam auctoritatis;
merito sola Romana sedes dicitur Apostolica; quia in eius
solius Episcopo, viget plenitudo potestatis, quæ fuit in
Apostolorum Principe supra Vniuersam Ecclesiam. Vn-
de S. Bernardus Epist. 141. describens Iura Episcopi Roma-
ni, & sedis Apostolicae, ea exhibet, qualia S. Petrus si af-
fuisset, non habuisset pleniora. [Plenitudo (inquit) pote-
statis super vniuersas orbis Ecclesias, singulari prærogati-
ua, Apostolicæ sedi donata est. Qui igitur potestati huic
resistit, Dei ordinationi resistit. Potest, si vtile iudicaue-
rit, nouos ordinare Episcopatus, vbi hactenus non fue-
runt. Potest eos qui sunt, alios deprimere, alios sublima-
re, prout ratio sibi dictauerit; ita vt de Episcopis, creare
Archiepiscopos liceat; & è conuerso, si necesse visum fue-
rit: potest à finibus Terræ sublimes quascunque personas
Ecclesiasticas euocare, & cogere ad suam præsentiam, non
semel, aut bis, sed quotiens expedire videbit. Porro in-
promptu est ei, omnem vlcisci inobedientiam, si quis for-
tè reluctari conatus fuerit.] Nihil deest huic plenitudini
potestatis, vt qua Princeps Apostolorum, primùm est po-
testate potitus, eadem potiri intelligatur quilibet Roma-
nus Pontifex eius successor. Constitutum itaque manet,

lclor

E

solam

solam Romanam sedem, esse Apostolicam propriè dictam.
Vnde sequitur, omnes titulos, qui à Patribus, & à Concilijs tribuuntur sedi Apostolicæ (sunt autem multi, & nobiles, vt docebit syllabus,) esse verè titulos Romani Pontificis; usurpato metonymicè nomine *Sedis*, pro sedente; & continente, pro re contenta.

Quod de sede Apostolica constitutum est, & què dicendum est de Cathedra S.Petri; Nam nomine *Cathedræ*, significari sedem Pontificiam, compertissimum est, & multis demonstratur à Pamelio ad libr. Tertulliani de Præscript. num. 207. Meritoque Duuallius Tract. de Pontif. par. 2. q. 6. castigat nuperum fori Rabulam, qui aliò detorserat notiōnem *Cathedræ*. Nec minus ridiculè Scaliger lib. 1. Auson. Læt. cap. 12. quia legerat apud Sidonium lib. 9. Epist. 16.

Qui Tolosatum tenuit Cathedram.

Existimauit S. Saturninum, de quo ibi agit Sidonius, docuisse Tolosæ Rheticam. Qua grammaticandi ratione, S.Petrus, qui Romanam Cathedram tenuit, (vt est apud Tertullianum lib. 3. Metrico contra Marcio. & Cyprianum Epist. 55. passimque alios) dicendus esset docuisse Romæ Rheticam, aliamuè aliquam ex liberalibus disciplinis, frusseque è numero Cathedreriorum, de quibus Seneca de breuit. vitæ cap. 10. sensus itaqùe Sidonij (vt ibi rectè, subiectis plerisque testimonij monstrat Sauaro) alius non fuit, quam quod S. Saturninus fuisset Tolosæ Episcopus. Proinde similiter S. Petrum tenuisse Romanam Cathedram, nihil aliud est, quam S. Petrum fuisse Romæ Episcopum. Id enim est, tenere Cathedram vitæ, distinctam à Cathedra pestilentiae, vt latè philosophatur creditus Augustinus q. 110. ex vtroquè mixtum. Primus vocis *Cathedræ* usus, ad designandum Episcopatum, vel Pontificatum, ad Christum videtur reuocandus, qui potestatem Pontificiam Synagogæ, vocavit Cathedram Moysi, super quam federunt Scribæ, & Pharisei, vt benè notauit Cyrillus Hierosol.

rosol. Catech. 12. & recte confirmat Iansenius cap. 120. Concordiae. Commodius quam Serarius, qui cap. 3. Tri-
hæresij num. 19. quodcunque sacrum magisterium ex au-
toritate saltem subordinata exercitum, nomine *Cathedrae*
à Christo expressum pütat. Sicut ergo potestas Pontificia
legis Mosaicæ penes authoritatem docendi vel iudicandi,
aut etiam plectendi, (totidem enim possunt esse usus Ca-
thedrae, siue Throni,) dicta est *Cathedra Moyse*; ita in lege
noua, S. Petri Cathedra, nihil aliud est, quam suprema eius
authoritas Pontificia, siue ad docendum, siue ad iudican-
dum de dubijs fidei, aut de peccatis, siue denique ad ple-
ctendum, & ferendam sententiam ultoriam. Hæc enim
omnia complectitur Cathedra Pontificia, nec satis adæ-
quatè exprimitur penes solum actum definiendi infallibili-
ter de fide & moribus, ut factum est à Cunero Petri lib. de
perpetua Cathedrae Petri firmitate. Attingamus ista di-
stinctiùs.

Ad Cathedram magisterij S. Petri, non tam pertinet hoc
loco doctrina per S. Petrum, eiusuè studio disseminata per
varias nationes; quam doctrina hodieque ab eo manans:
Admitto S. Petrum per se, suosque immediatos discipulos
abs se directos, longè latèque disseminasse Euangelicam
doctrinam. Quod enim S. Innoc. I. Epist. 1. contestatus est,
S. Petrus, eiusque successores, omnes Ecclesias Italiæ, Gal-
læ, Hispaniæ, Africæ, Siciliæ, Insularumque interiacen-
tium confituerunt. Describit eum Innocentij locum Hu-
go Etherianus lib. 3. contra Græcos cap. 17. sive verò eum
illustrant Thomas Fofius 4. de signis cap. 1. & Bzouius in
Romano Pontifice cap. 24. Magnam porro partem, quod
Innocentius dixit, de solo S. Petro valere, liquet ex varijs
Discipulis, quos ab eo in Provincijs prædictis consecratos
esse Episcopos, meniorant tabulæ Ecclesiasticae. Tales
apud Italos, Apollinaris Rauennatum, Euprepius Vero-
nensum, Paulinus Licensium, Prosdocimus Patauino-
rum, Hermagoras Aquileiensium, Syrus Ticinensium,

E 2 Pri-

Priscus Capuanorum , Aspres Neapolitanorum , Terracinnium Epaphroditus , Romulus Fesulanorum , Sicularum Pancratius , Beryllus , Marcianus . Apud Gallos , Rhe menium Sixtus , Arelatensium Trophimus , Senonensium Sabinianus , & Potentianus , Vienensis Crescens , Cænomanensium Julianus , Ursinus Bituricensium ; Burdgalensium ac Lemouicensium Martialis , Sanctonensium Eutropius , Aruernensium Austremonius . Apud Hispanos Torquatus , Ctesiphon , Secundus , Cæcilius , Esychius . Apud Germanos Maternus , Marcianus , Egistus , & Eu charius . De Germanis præsertim , benè hoc punctum ver sat Ecberthus Serm. 10. aduersus Catharos . Denique Pon tum , Galatiam , Cappadociam , Asiam , & Bithyniam , è S. Petri fonte hausisse fluenta doctrinæ , docet inscriptio primæ Epistolæ ipsius S. Apostoli .

Verissimum igitur est , S. Petrum suo labore , & eorum , quos ipsem et immediatè ad hoc adhibuit , valde nobilitas se magisterium suum longè latèque disseminando Christi doctrinam . Tamen aliud quiddam est Sancto Petro præcipuum , & nulli alij Apostolo commune , penes quod eius Cathedra , & Magisterium , prærogatiuam obtinet singula rem : nempè quod S. Petro collata est authoritas ordinaria , & ad successores eius in sede Apostolica ad finem usque seculi transmittenda , ad præstandam securitatem doctrinæ verè reuelatæ , atque adeò ad docendum (vt ita dicam) authenticè ; & ita vt non liceat ambigere de infallibilitate doctrinæ per tale Magisterium propositæ . Quis enim securus esset de doctrinæ , quam profitetur , immunitate ab errore , & fermento falsitatis , nisi S. Petri magisterio , hodieque in eius successoribus continuato , firma retur , vt optimè argumentatus est S. Gelasius Epistola ad Anastasium Augustum ? Quis , inquam , securus esset , se in vacuum non currere , & doctrinam quam accepit , esse verè à Christo profectam , nisi S. Petri magisterio firmaretur ? Cum ipse Apostolus Paulus , qui non ab hominibus , ne que

que per hominem Euangelium acceperat , tamen ne alij
in eius prædicatione vacillarent, vt optimè expendit Aco-
sta lib.2. de Christo reuel. cap.12. notauitque S.Hierony-
mus Epist.89.cap.2. adactus sit Petrum conuenire , *Isoslo*
Petrum , idest , (vt vim vocis expendens S. Chrysostomus
admonuit ,) eximium illud , & admirabile spectaculum
coelestis in Petro cortynæ consulere . Sicut enim Euange-
lium ex se , & ante quancunque Ecclesiæ comprobatio-
nem , est Euangelium , & tamen nisi comprobatio Eccle-
siastica , & vt loquuntur , verificatio accederet , non esset
quoad nos Euangelium authenticum , & indubitatò diui-
num : iuxta illud D.Augustini lib. contra Epistol.Fundam.
cap. 5. [Euangilio non crederem , nisi me Catholicæ Ec-
clesiæ commoueret authoritas :] ita doctrina B.Pauli, erat
quidem vera , & certa in se , quippè à Christo ipso inspira-
ta ; tamen fideles , quibus lapis lydius Doctrinæ Christian-
æ , & regula viua fidei , ex ipsius Christi assertione erat
S.Petrus, potuissent nutare circa doctrinam à S.Paulo pro-
positam . Vnde ipse in vacuum cucurisset , frustraque do-
cendo sudasset , nisi suffragatio & comprobatio S.Petri in-
teruenisset : proptereaque S. Paulus ad eum adjit , vt om-
nibus notum fieret , doctrinam quam S. Paulus propone-
bat , S.Petro probari, ac proindè genuinam esse , & à Chri-
sto profectam .

Hinc factum, vt ab omni æuo Chrifiano, Doctores præ-
cellentissimi , nec de ingenio, aut eruditione concedentes
Pontificibus , imò ijsdem superiores ; diffisi tamen de sua
doctrina , & ingenio, quoties graue dubium circa res fidei
occurreret , non priùs tranquillarentur, sequè securos pu-
tarent , quām B. Petri magisterium , interrogato eius suc-
cessore consuluissent . Vnus pro omnibus satis esse potest
S.Hieronymus , qui quamvis omnibus disciplinis esset ex-
cultissimus , & Damaso Papa longè peritior , tamen subor-
ta difficultate circa vocem , *hypostasis* , & an essent in Tri-
nitate admittendæ , sicut tres personæ , ita tres hypostases ,

con-

confugit ad S. Petri Cathedram , quam tuic tenebat Damasus , sic eum interpellans Epist. 57. [Quoniam vetusto Oriens inter se populorum furore collisus , indiscissam Domini tunicam , & desuper textam , minutatim per frusta discerpit , & Christi vineam exterminant Vulpes : vt inter lacus contritos , qui aquam non habent , difficile vbi fons signatus , & hortus ille conclusus sit , possit intelligi : ideo mihi Cathedram Petri , & fidem Apostolico ore laudatam , censui consulendam , inde nunc meæ animæ postulans cibum ; vnde oīm Christi vestimenta suscepi . Neque verò tanta vastitas Elementi liquefiantis , & interiacens longitudo terrarum , me à pretiosæ Margaritæ potuit inquisitione prohibere , *Vbicunque fuerit corpus , illuc congregabuntur aquilæ .*] Et mox post deploratum Orientis in Catholica fide statum miserrimum . [Quanquam igitur tui me terreat magnitudo , inuitat tamen humanitas . A sacerdote victimam salutis , à Pastore præsidium , ouis flagito . Fcessat inuidia : Romani culminis recedat ambitio : cum successore Piscatoris , & discipulo Crucis loquor . Ego nullum primum nisi Christum sequens , beatitudini tuæ , ideo Cathedræ Petri , communione consocior ; super illam Petram ædificatam Ecclesiam scio . Quicunque extra hanc Domum agnum comederit , prophanus est . Si quis in Arca Nöe non fuerit , peribit regnante diluvio . Et quia pro meis facinoribus ad eam solitudinem commigraui , quæ Syriam iuncto Barbariæ fine disternat ; nec possum Sanctum Domini , tot interiacentibus spatijs à Sanctimonia tua semper expetere : ideo Collegas tuos Ægyptios Confessores sequor , & sub onerarijs nauibus , parua nauicula delitesco . Non noui Vitalem , Meletium respuo , ignoro Paulinum . Quicunque tecum non colligit , spargit ; hoc est qui Christi non est , Anti-Christi est .] Tandem in Epistolæ calce [Quamobrem obtestor beatitudinem tuam per Crucifixum mundi salutem , per homousion Trinitatem , vt mihi Epistolis tuis , siue tacendarum , siue dicenda-

darum hypostaseon detur authoritas.] Et cum vel S. Damasus multitudine negotiorum præpeditus seriùs responderet, vel litteræ interuersæ essent, nec eas accepisset Santos Hieronymus, denuò in eadem causa S. Damasum interpellauit, data ad eum Epist. 58. & humillima, & virginissima, cuius solam extremam partem repræsento, ut appareat quanti apud S. Hieronymum esset Magisterium S. Damasi. [hinc præfidijs fulta mundi, Arriana rabies fremit; hinc in tres partes scissa Ecclesia, ad se rapere me festinat. Monachorum circa manentium antiqua in me surgit authoritas. Ego interim clamito, si quis Cathedræ Petri iungitur, meus est: Meletius, Vitalis, atque Paulinus, tibi hærere se dicunt. Possem credere, si hoc vnuas assereret. Nunc aut duo mentiuntur, aut omnes; idcirco obtestor beatitudinem tuam per Crucem Domini, per necessarium fidei nostræ decus, per passionem Christi, ut qui Apostolos honore sequeris, sequaris & merito. Ita in solio cum duodecim iudicaturus sedeas; ita te alias senem cum Petro cingat: ita municipatum cœli cum Paulo consequaris, ut mihi litteris tuis, apud quem in Syria debeam communicare, significes. Noli despicere animam, pro qua Christus mortuus est.] Non potuit distinctius, explicatius, fortiusque expromere, sensum suum de infallibili S. Damasi è B. Petri Cathedra magisterio; tūm apprecando, ut dignaretur sensum suum aperire in quæstione proposita; tūm vrgendo, ut significaret quibuscum communicare deberet. Hoc ipsum enim erat docere, quorum fidem, atque doctrinam probaret ipse Damasus. Fixum igitur esto, omnes titulos, quibus S. Petri Cathedra propter hoc magisterium sèpè honestatur, cadere in Romanum Pontificem, penes quem est potestas docendi infallibiliter, signata nomine *Cathedrae S. Petri*.

Nec aliter pronunciandum est de titulis petitis è S. Petri Cathedra iudiciaria, respiciente siue exsolutionem à peccatis, & vinculis animarum; siue censuras, quibus iuste in-

nodantur, & plectuntur noxij (qui est quasi ignis è sed
 S. Petri coruscans (qualem è Throno Alexandrino pro-
 micantem conspicabatur eius Ecclesiæ Antistes S. Petrus
 apud S. Odonem lib. 1. collat. cap. 16.) siue nexus à notis
 & iuramentis emissis injectos . Omne quippè iudicium ,
 S. Petro, eiusque successoribus est datum : itaùt quocun-
 que soluerint, & ligauerint in terra, sit solutum, & ligatum
 in cœlo . Et omnes quidem Episcopi , ac in Ecclesiastica
 dignitate constituti , cum facultate dicendi alijs Iuris, po-
 tiuntur parte aliqua authoritatis huius iudicariæ: solus ta-
 men Romanus Pontifex, summam, ac plenissimam in hac
 parte obtinet potestatem , tanquam sedens in S. Petri Ca-
 thedra , eiusque , vt generalis Ecclesiæ Rectoris successor.
 Audi Rupertum in cap. 20. Apocal. [Ligato Dracone Dia-
 bolo, & liberè per publicum procedente Christi Euangeliō,
 hominibusque, qui fuerant vasa eius, transmutatis in vasa
 Dei, filios Dei, Templis Idolorum versis in Ecclesiæ Chri-
 sti, qualis ex tunc per Orbem terrarum Sanctæ Ecclesiæ sta-
 tus esse coeperit, in visione prospicit dicendo : *Et vidi sedes,*
& sederunt super eas , & iudicium datum est illis . Istæ nam-
 que sedes , Ecclesiasticæ sunt dignitates, videlicet Pontifi-
 cum Catholicorum, & inferioris quoquè ordinis Sacerdo-
 tum , siue Prælatorum , quorum potestas , nimirūm tanta
 est , vt rectè dictum sit , vel dici debuerit , quia datum est
 illis iudicium . Authoritate namque eius , cui pater dedit
 omne iudicium , hoc illis datum est , vt quæcunque alli-
 gant super terram , ligata sint & in Cœlo . Et quæcunque
 soluunt super terram , soluta sint & in Cœlo . Summum
 huius iudicij tribunal , in Ecclesia paratum est Romana ,
 ubi sedes Apostolica, B. Petri & nomine , & corpore funda-
 ta est , cui specialiter dictum est . *Tu es Petrus, & super hanc*
petram ædificabo Ecclesiam meam , & tibi dabo claves Regni
Cœlorum .] Meritò sumnum Iudicij Ecclesiastici Tribunal
 adscribit Rupertus Romano Pontifici, tenenti Cathedram
 S. Petri , quia eius potestas Iudicaria , siue in foro interno
 siue

sive in externo , eminet supra quamcunque cæterorum Ecclesiasticorum Iudicium potestatem . Usque adeò ut de ipsis quoque Episcopis cæterorum Iudicibus , ferre iudicium possit , & ijsdem æquè cœlum claudere , ac ipsi cum res fert , claudunt alijs . [Qui locum Petri tenet , (inquit S.Bernardus Epist.228.scribens ad Eugenium Papam contra Archiepiscopum Eboracensem ,) potest vno istu extinguerre Ananiam , vno Simonem magum . Et vt planiūs , quod loquimur fiat , peremptoriam dare sententiam ad depositionem Episcoporū , solius Romani Pontificis noscitur esse ; pro eo nimirūm , quod etsi alij multi vocati sunt in partem sollicitudinis , solus ipse habeat plenitudinem potestatis .] Et lib.2.de consid.cap.8.alloquens Eugenium . [Ergo iuxta Canones tuos , alij in partem sollicitudinis , tu in plenitudinem potestatis vocatus es ; Aliorum potestas certis arctatur limitibus , tua extenditur , & in ipsos , qui potestatem super alios acceperunt . Nonnè si causa extiterit , tu Episcopo Cœlum claudere , tu ipsum ab Episcopatu deponere , etiam , & tradere Satanæ potes ?] Antiquas in hanc rem praxes , collegit Pamelius ad Epist.67. S.Cypriani num.20. Quem verò latet deiectione Guntheri Colonensis , & Thegaudi Treuerensis , pellicis Valdradæ fautorum per Nicolaum I? Item Adolphi Colonensis exturbatio per Innocentium III. vt est in cap. *Venerabilem de elect. & electi potest.* Notum quoque est , Theodoricum Montensem anno 1214. ab eodem Innocentio III. & Gebhardum Truchsesium à Gregorio XIII. ambos Colonienses Antistites , fuisse depositos .

Manifestissimum verò erit quantoperè S. Petri , eiusque successorum Iudiciaria Cathedra , supra omnes aliorum Ecclesiasticorum Iudicium Cathedras sublimis efferratur , si supponamus , (quod habet multorum grauium Doctorum verisimillima sententia) omnium Antistitum Iurisdictionem communicari à summo Pontifice , itaùt sicut tota temporalis Iurisdictio est à supremo Principe , &

F ab

ab eo in quoscunque ciuilis Iurisdictionis participes deriuatur, vt probat Molina Tract. 5. de Iustit. disput. 3. ita & spiritualis Iurisdictionis Antistitutum inferiorum, tota manet à spirituali supremo Principe, Christi Vicario, qui non tantum designet personam Episcopali Iurisdictioni diuinitus imprimendæ substernendam, vt ferebat olim quorundam sententia apud Bellarminum lib. 4. de Pontif. cap. 22. sed etiam largiatur vnicuique potestatem Iurisdictionis, muneri obeundo consentaneam, & pro temporum, ac locorum; cæterarumque circumstantiarum varietate, diuersam quoad magis, & minus. Est in ea sententia Isidorus de Isolanis lib. 2. de Imperio militantis Eccles. tit. 4. tota q. 2. Henr. lib. 6. Summ. cap. 5. Molina Tract. 5. de Iust. disp. 4. Bellarmin. lib. 4. de Pontif. cap. 24. Suarez tit. 4. 3. par. d. 25. sect. 1. nū. 21. Magalia. in procem. Epist. ad Timoth. sect. 12. Ægidius 3. par. disp. 8. de Poenit. dub. 3. Duuallius Tract. de Pontif. par. 1. q. 2. Malderus Tract. de Pontif. disp. 1. dub. 1. Barbosa de Potest. Episc. par. 1. tit. 1. cap. 1. à num. 20. Fagundes in 2. præcep. Eccles. lib. 7. cap. 1. à num. 25. Viderique potest hanc sententiam insinuasse S. Cyprianus lib. de vnit. Eccles. Vbi Cathedram Petri confert cum capite, radice, fonte, sole. Sicut ergo virtus animalis membrorum Corporis, deriuatur à capite, & virtus ramorum arboris fluit à radice; aqua item riuorum ex fonte manat, ac denique lux radiorum à sole oritur; ita omnium aliorum Episcoporum vis motiua, & gubernatiua, totaque Iurisdictionis Ecclesiastica profunditur à Pontifice. Quem proinde recte contulerimus cum Moysè, de cuius spiritu accepit Deus, communicavitque 70. Senioribus, quos ei dabat coadiutores, vt habetur Num. 11. Neque enim Deus de Mosis spiritu accepit, quod alijs daret, quasi imminuerit spiritum Mosis. Nam sic frustra accepisset coadiutores, vt S. Augustinus benè aduertit q. 18. in Num. Dicitur itaque Deus de Mosis spiritu accepisse, & dedisse Senioribus, quia auctoritatem, quam in Mose fontaliter collocauit, transfudit à

Mo-

Mose ad reliquos . Eandem sententiam significauit Nicol.
1. Epist. a d Michaël. applicans Episcopis in Pontificem re-
fractarijs , illud Isaiæ 10. *Nunquid gloriabitur securis contra
eum , qui secat in ea ? Aut exaltabitur serra contra eum , qui
trahit eam ? Spectare eodem potest , quod S. Optatus lib. 7.
ait , solum S. Petrum accepisse Claves cœlorum , ab eo com-
municandas alijs . Nec multū abest , quod Gregorius Nyf-
senus Orat. in ægrè ferentes reprehens . *Sub medium* , ait ,
claves à Domino Episcopis datas esse per Petrum . Referri
itidem huc possunt illæ aliæ locutiones , apud Pontifices ,
& Patres crebræ . Vnitas Sacerdotalis è Petri Cathedra est
exorta ; quo pacto loquitur S. Cyprianus Epist. 55. nū. 90.
Alios addam in Epilegomenis subnotatione 2. veritate 11.
Denique faciunt ad hanc rem quām maximè , quæ habet
S. Leo Epist. 89. docens , in S. Petro Apostolorum omnium
summo , principaliter collocatum à Christo esse diuini mu-
neris , hoc est Pontificij Sacramentum , vt ab ipso quasi
quodam capite , dona sua velut in corpus omne diffundes-
ret . Et sermone 3. de Anniuers. suæ assumpt. ait de S. Petro .
[Ab ipso omnium chrismatum fonte , tām copiosis est irri-
gationibus inundatus , vt cum multa solus acceperit , nihil
in quemquam sine illius participatione transferit .] Et in-
feriū [magnum , & mirabile dilectissimi , huic viro con-
sortium potentiae suæ tribuit diuina dignatio . Et si quid
cum eo commune cæteris voluit esse principibus , nun-
quam nisi per ipsum dedit , quidquid alijs non negauit .]
Denique infra . [Dicitur Beatissimo Petro , *tibi dabo claves*
Regni Cœlorum . Et quæcunque ligaueris super terram , erunt
ligata & in Cœlis , & quæcunque solueris super terram , erunt
soluta & in Cœlis . Transiuit quidem in alios Apostolos ius
potestatis istius , & ad omnes Ecclesiæ Principes decreti
huius constitutio commeauit . Sed non frustra vni com-
mendatur , quod omnibus intimatur . Petro enim ideo hoc
singulariter creditur , quia cunctis Ecclesiæ Rectoribus Pe-
tri forma præponitur . Manet ergo Petri priuilegium vbi-*

F 2 cun-

cunque ex ipsius fertur æquitate Iudicium: nec nimia est vel seueritas, vel remissio, vbi nihil erit ligatum, nihil solutum, nisi quod B.Petrus aut soluerit, aut ligauerit.]

Quod si ut omnibus proximè dictis præfertur, Iurisdictio quorumcunque Antistitum inferiorum, à S.Petro, eiusque successoribus immediatè promanat; non est obscurum, quantoperè iudicaria S.Petri Cathedra, cui Romani Pontifices insident, emineat supra quascunque cæterorum Ecclesiasticorum Iudicium, siue inferiorum Antistitum sedes, quod ostendendum receperam. Porro quæcunque de Cathedra S.Petri dicuntur, de sedente in ea affirmari per metonymiam, notius ferè est, quām ut moneri oporteat. Et verò neminem latet, Cathedram, siue materialiter sumatur, siue etiam formaliter, pro authoritate iudicaria, & retriice, non posse per se ipsam iudicare, sed id esse tenentis Cathedram, siue possidentis authoritatem, quem insinuari posse nomine *Cathedræ* monstrat illud ex Psalm. 121. *illo*
sederunt sedes in Iudicio. Vbi D.Augustinus obseruat, idcirco sedes dici sedere, quod attento nudo verbi cortice posset videri absurdum, quia Apostoli, & eorum successores, dicti sunt sedes sedentes in Iudicio, siue *Cathedræ*, aut *Throni*, habentes iudicandi de Christi subditis potestatem.

Quia ergo Romanus Pontifex Pontificia, & vniuersali in Ecclesiam totam, B.Petri authoritate potitur, meritò tituli omnes è S.Petri Cathedra petiti, vel ei Cathedræ attributi, intelliguntur dicti de Pontifice quocunque S.Petri successore, in quo B.Petrus censetur viuere, quia tota potestas B.Petro collata ad bonum vniuersalis Ecclesiæ, in isto hodieque perseuerat. Hoc ferunt illa apud antiquos Pontifices, ac Patres, & in Concilijs creberrima de S.Petro post mortem suam regente, docente, tutante à Lupis Ecclesiam. Signo nonnulla. Siricius Papa Epistola ad Hieronimum Tarragonensem. [Portamus onera omnium qui grauantur. Quinimò haec portat in nobis B.Apostolus Peter,

trus, qui nos in omnibus, administrationis suæ protegit, & tuetur hæredes.] Nempè, & intercessione sua, & quatenus vi muneris, quod idem est cum munere, quod gessit S. Petrus, dūm viueret, communicatur cuique successori à Deo, robur ad portandum creditorum sibi fidelium onera. S. Leo diuinè in hanc rem philosophatur serm. 2. de sua Assumption. Concludit verò. [Manet ergo dispositio veritatis, & B. Petrus in accepta fortitudine Petræ perseuerans, suscepta Ecclesiæ gubernacula non relinquit.] Sanctus Innocentius I. Epist. ad Concil. Mileuit. (est 93. inter Augustinianas) testatur S. Petrum, Romæ, quo tempore ipse talia scribebat, sedisse, & de dubijs circa fidem consultum esse, cum ipse Innocentius consultus esset. In 6. Synodo Agatho Papa Epist. ad Imperatores, ait, Si Petrum edidisse Tomum S. Leonis, verbis ipsius S. Leonis. Item in 7. Synodo Adrianus Papa Epist. ad Tarasium, egregiè confirmat, suæ rectionis tempore, perstitisse Sancti Petri Principatum.

Ex Patribus idem habet Petrus Chrysologus, scribens ad Eutychetem. [In omnibus (Græcè est ἐπὶ τὰς, idest super omnia,) hortamur te frater honorabilis; vt his, quæ à Reuerendissimo Papa Romanæ Ciuitatis scripta sunt; obedienter attendas. Quoniam B. Petrus, qui in propria sede, & viuit, & præsidet, præstat quærentibus fidei veritatem.] D.S. Eulogio Alexandrino Episcopo, sic scribit S. Gregorius lib. 6. Registri Epist. 31. indict. 15. [Suauißima mihi sanctitas vestra, multa in Epistolis suis de S. Petri Apostolorum. Principis Cathedra, locuta est dicens, quod ipse in ea nunc usque, in suis successoribus sedeat.] In Concilio Ephesino Philippus Cælestini Papæ Legatus, idem magnificè confirmat tomo 2. cap. 16. Concilium item Chalcedon. Actio. 2. post auditam S. Leonis Epistolam, exclamauit, Petrum in Leone locutum esse, & ibidem actio. 3. in Dioscori damnatione, sic habetur. [Sanctissimus, & beatissimus Archiepiscopus magnæ, & senioris Romæ Leo, per nos & per præsen-

sentem S. Synodum, vnà cum ter beatissimo, & omni laude digno B. Petro Apostolo, qui est petra, & crepido Catholicæ Ecclesiæ, & ille qui est recte fidei fundamentum, nudauit eum tam Episcopatus dignitate, quam etiam ab omni Sacerdotali alienauit ministerio.] Rursus in fine eiusdem Concilij in exemplari Epistolæ Paschasini, & aliorum de damnatione Diocorii, sic habetur de eius deiectione per S. Petrum, hoc est per S. Leonem in Petri Cathedra sedentem. [Sanctissimus, ac Beatissimus Papa, caput vniuersalis Ecclesiæ Leo, per nos, ut Legatos suos, Sancta Synodo consentiente, Petri Apostoli prædictus dignitate, qui Ecclesiæ fundamentum, & Petra fidei, & cœlestis Regni Ianitor nuncupatur, Episcopali eum dignitate nudauit, & ab omni Sacerdotali opere fecit extorrem.] Similiter in 6. Synodo Actio. 17. de Agathonis litteris dicitur. [Charta, & atramentum videbatur, & per Agathonem Petrus loquebatur.] Petrus denique Bles. Epist. 146. [Princeps Apostolorum, adhuc in Apostolica sede regnat, & imperat.]

Liquet ergo iuxta Concilia, & Patres, S. Petrum censem, viuere in eo, qui pro tempore ei succedit in Cathedra Romana, quæ est ipsius S. Petri Cathedra; quia quisquis in ea sedet, eandem metu vniuersalem totius Ecclesiæ regendæ facultatem adipiscitur, quam habebat S. Petrus, dum illam suam sedem superstes teneret, & cum Romano Episcopatu Catholicam quoque Ecclesiam regeret. Ad Santos quoque Pontifices ex sensu Veterum, idem transfert S. Odolib. 1. Collat. cap. 27. quod præclaro viso S. Gregorij confirmat. Et aperte idem habet Petrus Cluniac. lib. 4. Epistol. 18. sic alloquens Cælestinum Papam. [Lætabitur sub umbra alarum eius, vobis à modò subditus orbis terrarum, & se tantos fidei suæ Patres Apostolicos viros, Confessores dico, & quod maius est martyres; vel quod excellentius est, ipsos Apostolorum Summos, Petrum, & Paulum, imò ipsum Christum, in vobis solo, se habere glorificabitur.] Itaque, & S. Petrus, & Sancti quique Romanæ Ecclesiæ ho-

De titulis Pontif. ex sede Apost. & Cath. Petri. 47
hodiernum præcedentes Pontifices , viuunt & regunt in
Pontifice S.Petri Cathedram hodiè tenente .

Egi semper de Cathedra S. Petri , nec eam nominaui Cathedram SS. Petri , & Pauli , quod aliqui insinuant , vel etiam exprimunt . Refert quidem Anonymus Dominicus Tract. contra Græcos dist. 4. §. Item Dominicis , cum Germanus Nicænus odio Romani Pontificis S. Paulum æquè ac S. Petrum nominasset , Κορυφαῖον τῶν Ἀποστόλων , restitisse ei Græcum quandam Episcopum Catholicum , & negasse , id vñquam esse auditum illucusque ; Eò quod sedes Apostolica , & Principatus super cæteros omnes Apostolos eminens ; sit solius S. Petri de omnium Catholicorum sententia . Hoc inquam Græcus ille Catholicus aduersus Græcum Schismaticum contestatur . Tamen non nemo Catholicorum in ea vniuersali Ecclesiæ præfectura , atque adeò in seßione Cathedræ Apostolicæ , videtur S. Paulum adiungere S. Petro . Sic S. Cyrillus Hierosol. Catech. 6. vocat SS. Petrum , & Paulum , *Præsides Ecclesiæ* . S. Chrysostomus in Encomio SS. Petri , & Pauli , sic eos affatur . [O par Beatum , cuius fidei totius mundi animæ sunt concreditæ] Theodoretus Epist. ad S. Leonem , sic habet de Vrbe Romana . [Ciuitas vestra , Petri & Pauli (quos communes omnium Parentes , & Magistros veritatis habemus) seruat corpora , vnde lumen animis fidelium accenditur . Hi duo in Oriente orti sunt , & radios in omnes mundi partes circumquaque porrexerunt ; in Occidente autem libenter occasum vitæ coeperunt . Hi igitur vestram sedem collustrarunt .] Disertè Dorotheus Thessalonicensis , scribens ad Hormisdam , vocat sedem Romanam , *Sedem SS. Petri & Pauli* . Venantius Fortunatus lib. 3. vitæ S. Martini , describens hos Santos Apostolos , B. Martino exhibitos , insinuat primam sedem , eorum esse coniunctim , cùm eos vocat ,

*Prima Ministerij radiantia vasā supernī
Aurea , pulchra nimis , geminata , vetusta , coruscā .*

Mox

Mox ibidem quoque , eos vocat geminos fidei Principes , de quibus item ait ,

Prima tenent terris , & utriusque priora supernis .

Dogmatis ore pares , & sedis honore curules :

Ambo triumphantes , spargunt noua dona per orbem .

Vna nempè die , quos passio Sancta beauit .

Et sacra sic geminus signauit tempora Consul .

Petrus Damiani Opusc. 35. cap. vlt. & in vita S. Vitalis, ait, Romam per duos summos Apostolos Petrum, & Paulum , totius Orbis sibi vendicare principatum . S. Bernardus Epist. 237. monet Eugenium , vt sit verus S.Pauli successor . [Quasi in capite corporis duo oculi , ita in capite Ecclesiæ Petrus , & Paulus] ait Arnobius lib. 2. conflictus cum Serapione. Similiter Anonymus Dominicanus Tract. contra Græcos, agnoscit, Romanum Pontificem non tantum Petri , sed etiam Pauli esse successorem [Petro succedendo in potestate clavium , & Paulo in discussione causarum . Nam sicut Petrus authoritatem ligandi , atque soluendi accepit à Domino : ita Paulus scientiæ plenitudinem .] Quod videtur tradidisse quoque Carolus Magnus lib. 1. de Imaginibus cap. 6. non illo notho Caroli opere, ex Caluiniana incude, sed legitimo, quod extare in Bibliotheca Vaticana Longobardicis characteribus exaratum , scribit Augustinus Steuchus lib. 2. contra Vallam *pagina mibi* 272. hæc præter cætera inde exscribens . [B. Petro non incongruè B. Pauli Doctoris gentium est attributa societas, ut illius Sanctæ Ecclesiæ omnino firmaretur authoritas . Quatenus altero ad pascendas animas electo , ex Piscatore , altero ad munierandam Ecclesiam, ex persecutore, vt in altero Dei filij vera confessio , in altero appetet diuini verbi sacra prædicatio : cum alteri concessit idem Dei filius Claves Regni cœlorum , alteri clauem aperiendorum legatum verborum, utriusque tamen virtutem signorum, quo alter ad eum cruce , alter gladio pergens , fidelibus arrhabonem corporalis sarcinæ relinquentes , & exempli fulgor ,

re , & verbi decoro , & Sancto cruore , supradictam Ecclesiā Romanam ei dicarent , quam supra solidissimam petram fundatam , nec descendens pluvia , nec venientia flumina , nec flantes venti , ruere compellerent .] Tandem Alexander III. Epist. ad Vpsalensem Episcopum , eiusque suffraganeos , incumbere sibi ait , [vniuersum corpus Ecclesiæ curare institutione Apostolica , ut sicut in omnem Terram exiuit sonus Apostolorum , & in fines orbis Terræ verba eorum ; ita quoque nos , qui eorum cathedræ præsidemus , qui eis non in vitæ merito , non in operum sanctitate , sed in pastorali cura , & dignitate successimus , verbum salutis , Euangelium Christianæ , atque Catholicæ veritatis , annunciemus , & ijs qui longè , & ijs qui propè : nomen Apostolicum , non inane , neque nudum , & in sola voce gerentes , sed in executione officij , & veritate operis , in quantum nobis Deus dederit , adimplentes .] Profitetur Alexander conceptis verbis , se successorem . non vnius S. Petri , sed amborum , antonomasticè dictorum Apostolorum , eorumque se cathedræ præsidere agnoscit . Sicut S. Epiphanius Hæresi 27. quæ est Carpocratianorum , seriem contexens Romanorum Pontificum , ponit primo loco SS. Petrum , & Paulum , tūm Linum , Cletum , cæterosque deinceps , qui sederunt in Romana Ecclesia . Eodemque modo , in quadam reuelatione cuius narratio præfigitur Moralibus S. Gregorij , Beatus hic Pontifex apparet Tagioni Cæsar-Augustano pernoctanti in Basílica S. Petri , dixit Linum , Cletum , & cæteros deinceps Pontifices esse successores SS. Petri , & Pauli , qui præcedentes coeteris omnibus seque inuicem manu inserta complectentes , exhibiti sunt in fronte Seriei omnium Pontificum , qui illos in Episcopatu sunt secuti , cum procederent ad S. Petri altare , per visum Tagioni oranti obiectum .

Nihilominus , rectè semper in superioribus , facta est mentio Cathedræ solius S. Petri ; & ei soli , non autem coniunctim S. Paulo , succedere Pontificem , meritò supposi-

G tum

rum est. Neque enim Ecclesia duos illos habuit simul superemos moderatores, etiamsi ambo in eadem Vrbe Romana, plantatæ inibi, communis opera Ecclesiæ, seu cœtui fidelium, totam cum sanguine doctrinam profuderint, ut dixit Tertullianus lib. de Præscript. cap. 36. Quinimodo S. Paulus fuit verè Ovis S. Petri, eique, ut Pastoris subiectus fuit, æquè ac coeteri Apostoli; In quam rem fusè differit Bellarminus lib. 1. de Pontif. cap. 27. Optimeque Viclefum hac in parte refellens, Thomas Valdensis lib. 2. doctrin. cap. 3. Et habuit quidem S. Paulus à Christo ipso, vniuersalissimam Iurisdictionem, sed Petro subordinatam, (qualis etiam coeterorum Apostolorum fuit,) nec ipsi personalis; Vnde B. Paulo exprimante evanuit. Solius vero B. Petri authoritas fuit ordinaria, idest cum iure transmissionis ad successores. Nam quamuis B. Pauli, & aliorum Apostolorum potestas, non fuerit propriè delegata à S. Petro, sed à Christo collata illi, æquè ac Petro, & quidem Romæ etiam exercenda si videretur, quamuis adesset S. Petrus, (cum subordinatione tamen ad eum;) quod unum voluit S. Epiphanius, Paulum statuens Romæ Episcopum; Nihilominus ea potestas non fuit *ordinaria*, prout ista vox fert, transfusionem ad successores, talis quippe fuit solius S. Petri authoritas: vnde etiam si B. Paulus nunquam fuisset Romæ, veletiam si obijset valde procul ab Vrbe Romana, Pontifex eo ipso, quod S. Petro succederet, haberet plenam, & summam potestatem in vniuersam Ecclesiam.

Quare omnia in contrarium adducta, ita mollienda sunt, ut tantum significant egregiam operam, quam S. Paulus coniunctim cum solo eorum Episcopo, eodemque vniuersalis Ecclesiæ moderatore, nauauit in cultura Romanorum. Et sic illorum uterque fuit fidei Princeps, idest Doctor egregius, ac plantator fidei; uterque item fuit spirituialis Consul, idest Apostolus Vrbis Romanae, missus à Deo, ad annuntiandum ei Euangelium. Esse enim Apostolum, Consulatum quendam spirituale, S. Chrysostomus ho-

homil. in illud *vocatus* *Apostolus* *egregiè* *prosequitur*: *ut* *terque* *denique* *illi Ecclesiæ*, & *orbi vniuerso* *præsedidit*; *sed Petrus*, *vt Episcopus proprius* *simul ac vniuersalis*, *cum po-*
testate ordinaria, & *iure successionis*: *Paulus* *verò*, *vt pen-*
natus Agricola, *orbi vniuerso* *cum sola potestate personali*
peragrande destinatus, *iuxta modum loquendi*, *vlurpa-*
tum ab Isidoro Pelusiota lib. 3. Epist. 176. *Quod autem*
Anonymus *aiebat*, *Pontificem à S. Petro habere claves re-*
giminis, & *à S. Paulo claves scientiæ*, *non est quod mollia-*
tur, *cum sit iniurium S. Petro*, *qui ea ratione spoliareretur*
præcipua Vicarij Christi potestate: *nempè magisterio in-*
fallibili de rebus fidei, *quo continetur clavis scientiæ*. *Sa-*
nè *Cyrillus Hierosolymitanus* *loco in contrarium prolatu-*
s tametsi *S. Paulum agnoscit* *fuisse præsidem Ecclesiæ*, *quia*
(inquit) raptus erat ad tertium Cœlum, *quod est S. Pau-*
lum statuere non verè præsidem, & *Episcopum proprium*,
sed vt Doctorem diuinitùs egregiè instructum, *quod est*
præsidere eruditio[n]e, *atque adeò eminentia duntaxat do-*
norum coelestium: *Tamen solum S. Petrum statuit S. Cy-*
rillus Ecclesiæ præsidere, *quia portabat claves Regni Cœ-*
lorum; *non igitur* *earum alteram* *habuit Paulus* *se[ci]undum*
à Petro, *vel etiam coniunctim*, *eo modò*, *quo Petrus ha-*
buit, *idest cum Iure successionis*. *Itaque sit suus S. Paulo*
honos, *sed tanquam nauo & strenuo operario*, *salua soli*
S. Petro Apostolica Cathedra *cum Iure successionis*, *quod*
agnouerunt Græci, *ex quibus ista refert adductus proxime*
Anonymus. [*Collaudemus diuinorum Prædicatorum*,
Præpositos: *Petrum* *quidem* *tanquam Apostolorum Prin-*
cipem; *Paulum* *verò* *tanquam præ cæteris laborantem*.]
Accedit Latinus suffragator Prudentitis hymno de Sancto
Laurentio.

Rome iam regnant duo

Apostolorum Principes.

Alter vocator Gentium;

Alter Cathedram possidens

Primam; recludit creditas

Eternitatis Ianus.

En solus Petrus, statuitur ab uno Apostolorum Princeps, atque adeò Pastor vniuersalis ordinarius; ab altero possessor primæ Cathedræ, & Ianitor ostiorum æternitatis, siue Cœlorum. Eius ergo solius fuit, Romana Cathedra, non etiam S. Pauli.

Fuit hæc apertè mens Venantij Fortunati, qui perperam in contrarium adducebatur ab ijs qui dissentient, ut supra retuli. Eius enim hoc est Epigramma de his SS. Apostolis, lib. 3. carminum.

Cœlorum portæ, lati duo lumina mundi :
Ore tonat Paulus, fulgurat arce Petrus.

Inter Apostolicas radianti luce coronas,

Doctior hic monitu, celsior ille gradu.

Corda per hunc hominum radiantur, & astra per illum;

Quod docet iste stylo, suscipit ille polo.

Pandit iter cœlis hic dogmate, clauibus alter:

Est via cui Paulus, ianua fida Petrus.

Hic Petra firma manens, ille architectus habetur:

Surgit in his templum quo placet ara Deo.

A facie hostili, duo propugnacula præsunt,

Quos fidei tresses, urbs caput orbis habet.

Hi radiant oculi pretiosæ in corpore Christi:

Lumine qui proprio cætera membra regunt.

Audin' Petrum gradu celsorem? Item ei soli claves tribuit, & arcem idest authoritatis sublimitatem, ac rationem ianuæ & petræ firmæ, cum sola docendi prærogatiua Paulum honestarit? Et idem breuius dixit lib. 11. ad Chilperij Regem scribens, eo versu.

Princeps clave Petrus, primus quoque dogmate Paulus.
Itaque non æquat Paulum Petro quoad munus pastorale, eo alio loco qui proferebatur. Et agnouisse S. Paulum inæqualitatem hanc suam & ad Petrum subjectionem, gravissimè contestatur Gregorius IX. Epistola ad Germanum

Pa-

Patriarcham Constantinopolitanum de primatu Romanę Ecclesię . Obijcentibus enim Græcis , Paulum Petro restitisse, postquam id latè discussit Gregorius, nec nisi dispensatiū gestum monstrauit , re ipsaque ambos idem semper docuisse ostendit; subdit: [Fuit enim Paulus ex verbo Domini Petro & cœteris Apostolis vniuersaliter sic dicentis , quorum remiseritis peccata , remittuntur eis , & quorum retinueritis, retenta sunt, cum Petro mysterium dignitatis exercens : & ex verbis eiusdem authoritatis, singulariter Petro propositis , quodcumque ligaueris super terram, erit ligatum . & in Cœlis , & quodcumque solueris super terram, erit solutum . & in Cœlis , in Petro authoritatis officium recognoscens . Et ideo ad eum tanquam primatem , & Euangeli Domini fontem , venit Hierosolymam , & postmodum cum ipso & alijs , secundum reuelationem contulit Euangeliū , ne in vacuum curreret , vel etiam cucurisset .] Interserit alia nonnulla . Tum addit . [Si Petrus propter excellentiam fidei , qua in vnico Christo duas naturas veraciter recognoscens dixit, *Tu es Christus filius Dei viui*, claves regni cœlestis in terris solus accepit , cum vnu sit Dominus , vna fides , vnum baptisma , vnum principium , vnum corpus Ecclesiae militantis ; & corpus cum pluribus capitibus monstrorum , & sine capite acephalum censeretur ; restat ut ad regimen generalis Ecclesiae quam ipse cum Paulo & coeteris , de Gentibus Græcis , Latinis , Barbaris , congregauit ; caput eiusdem , suumque Dominus per ea , quæ præmissa sunt , manifestè ostenderet successorem .] Non potuit disertiū afferere , vel etiam robustiū confirmare , solum Sanctum Petrum , excluso Sancto Paulo , fuisse caput Ecclesiae , eiusque claves eo primario sensu , qui Vicarij Christi proprius est , solum accepisse . Breuissimè rem tetigit Arator lib. 2. histor. Apostol. sic canens .

*Contulit ut Petro Paulum gerat Ordo secundum ,
Qui fundamentis manet architectus in illis .*

Nec

Nec dissimiliter Adam de S. Victore in rythmo apud Cly-
stouæum in Elucidat. Eccles.

Petrus p̄t̄ Principatu,
Paulus pollet Magistratu
Totius Ecclesiæ.
Principatus vni datur,
Vnitasque commendatur
Fidei Catholicæ.

Magistratum lege rythmi arctatus, dixit pro Magisterio,
in quo verum est S. Paulum fuisse eximum. Benè Hugo
Victorinus illud Adami dictum nobis exponit serm. 64. qui
est de SS. Petro, & Paulo. [Petrus coeteris eminent excellen-
tia potestatis; Paulus excellentia prædicationis. Petrus Sol,
Paulus Luna per collatam sibi cœlitùs sapientiam. Lumi-
nare maius fecit Deus, dum dixit Petro, Caro & sanguis,
fidei Sacramentum non reuelauit tibi, sed Pater meus qui
est in cœlis, & illum tunc lucere in cœlo præcepit cum il-
li claves regni cœlorum contradidit: luminare minus fe-
cit, dum Siulam stravit, & Paulum erexit.] Ibidem Hugo
diffusè prosequitur diem, cui Petrus docendæ præfuit,
signare Iudæam, noctem cui Paulus radios effudit, gentes.
Tum addit. [Luminare maius Petrus, luminare minus
Paulus. Quamuis autem Paulus prædictator fuerit gen-
tium, quamuis electionis vas, quamuis omnibus plus la-
borauerit, quamuis nihil minus à magnis Apostolis fece-
rit, quamuis ad tertium cœlum & in paradisum Dei ra-
ptus, arcana ibi verba, quæ non licet homini loqui, audie-
rit, non metamen arbitror sublimitati eius in aliquo deroga-
re, in eo quod ipsum, minori luminari, idest Lunæ, Pe-
trum verò maiorí, idest Soli comparo, cum Petro soli di-
ctum esse constet, Tu es Petrus, & super hanc petram ædi-
cabo Ecclesiam meam: & tibi dabo claves Regni cœlorum: &
quodcumque ligaueris super terram, erit ligatum & in Cœlis:
& quodcumque solueris super terram, erit solutum & in Cœlis:
Et cum soli Petro iubente Domino eum super aquas maris

am-

De titulis Pontif. ex sede Apost. & Cath. Petri. 55
ambulare concessum sit, Petroque soli inter cæteros & præ-
coeteris à Domino cura pastoralis principaliter & speciali-
ter iniuncta sit, vbi dicit, *pasce agnos meos.*] Et quanquam
subdit quoad merita dubium esse posse uter alteri præcel-
luerit; (de qua etiam præcellentia sermo est S. Odiloni Ser-
mone de Vigilia SS. Petri & Pauli, cum Paulum æquat Pe-
tro) sed in munere & potestate Pontificia Hugo dubitare
non sinit quin solus Petrus emineat omnibus Apostolis, ac
etiam Paulo, magistro licet Optimo, cuius (vt ait) magi-
sterium, fidei plenitudo est. Vnde infra concludit. [Licet
omnes Apostoli sint magni, & omnes pariter & commu-
niter gratia cœlesti sint donati, nescio tamen quo pacto
Petrus & Paulus præ coeteris peculiari quadam in cœlo fi-
dei virtute videntur præcellere, dum Petro quasi bono di-
spensatori claves regni cœlestis dedit: Paulo tanquam ido-
neo Doctori, magisterium Ecclesiasticæ institutionis iniun-
xit. Vnde ista duo maxima luminaria velut Sol & Luna,
vno in loco non videntur fixa, dum Petro vniuersalis Ec-
clesiæ cura iniungitur: & Paulo omnium gentium doctri-
na committitur. Coeteri omnes velut stellæ in firmamen-
to, vno singuli fixi videntur in loco, dum eorum vnuquis-
que, vno prædicauit in regno.] En cuiusmodi sit Magi-

stratus ille quo pollere S. Paulum, quamuis S. Petrus
præeat, aiebat Adam de S. Victore, Hugonis in
Christo germanus. Itaque saluus manet so-
li S. Petro principatus Ecclesiæ, eiusque
vnius est absque Pauli participa-
tione, Cathedra suprema
in Christi Ecclesia.

Videsis inferiùs
in Onoma-
stico.

V. Sedes SS. Apo-
stolorum Petri
& Pauli.

PRAE-